


# 《修持淨土法門的基本認知》補充講表

◎附表一：

## 前言

壹、略述學習「淨土宗經論」之目的：以下糅合諦閑大師於《大乘止觀述記》云：「道心之發，實由欣厭；然眾生久在迷途，若無佛法常為薰習，欣厭即無從生起。」



蕩益大師於《靈峰宗論》卷第二之二云：「世人談及生死，鮮不悚慮：往往不能真為生死者，眼前活計放不下耳。然所以放不下者，祇不曾徹見生死之苦，以從來為俗為僧，皆向順境中捱過，故畏三界心自然發得不真切。儻以遠大慧眼曠觀無始輪迴，痛念此生果從何來，死後當至何趣，前際茫茫，後際墨墨，饒鐵石心腸必為驚怖。」

### 壹、徹悟大師開示八要

◎一、真為生死，發菩提心，是學道通途。

※《靈峰宗論》卷第二之三（示世間）云：「欲真為生死，別無他術，須識三界無非是苦，現在身心便是苦具。不知苦故，重造苦因。今以四大觀身，四蘊觀心，了知無我我所，祇緣迷惑，枉受輪迴，深生慚愧，猛求解脫，此即真實為生死心。而又了知心佛眾生三無差別，諸佛已悟，眾生尚迷；我今既知此理，誓與眾生同證正覺，此即真正大菩提心。」

※《圓覺經》清淨慧菩薩章云：「一切眾生，從無始來，由妄想我，及愛我者；曾不自知，念念生滅，故起憎愛，耽著五欲」。

○「真為生死」：內心真實的發起出離心之意，即發起厭離娑婆之心。

\*《八大人覺經》云：「乘法身船，至涅槃岸；復還生死，度脫眾生；以前八事，開導一切，令諸眾生，覺生死苦，捨離五欲，修心聖道。」

\*元朝優曇大師云：「委骸回視積如山，別淚翻成四海瀾。

世界到頭終有壞，人生彈指有何歡。

成男作女經千遍，戴角披毛歷萬端。

不向此生生淨土，投胎一錯悔時難。」

\*蕩益大師於《佛遺教經解》云：「精勤修習觀察老、病、死、苦，及四惡趣苦，我未能離，對治不知恐怖懈怠。」

\*《佛遺教經》云：「是故當知，世皆無常，會必有離，勿懷憂惱，世相如是。當勤精進，早求解脫……汝等比丘，常當一心，勤求出道，一切世間動不動法，皆是敗壞不安之相。」

○「發菩提心」：發起上求佛道，下化眾生之心。《寒笈集》云：「悲智相應，名菩提心。」

《大乘起信論》云：清涼國師於《華嚴疏鈔》卷二指出：十信至十地修

持，以菩提心為始，體即三心：

一者、直心：正念真如法故。——即是大智，無所執著。

二者、深心：樂集一切諸善行故。——即是大願，謂四弘等。

三者、大悲心：欲拔一切眾生苦故。

《大乘起信論》云：「如是當念一切眾生，從無始世來，皆因無明所熏習故，令心生滅。

已受一切身心大苦，現在即有無量逼迫，未來所苦亦無分齊，難捨難離，而不覺知。眾生如是，甚為可愍。」

## ※約淨土宗的角度

\*《大乘起信論裂網疏》卷第六云：「為度眾生求生淨土，非為自身獨出生死。有此菩提弘願，方是往生正因。不然，縱令念佛菩薩，與佛菩薩氣分不相契合，不能生淨土也。」

一、曇鸞大師《往生論註》云：「此無上菩提心，即是願作佛心。願作佛心者，即是度眾生心。度眾生心者，即攝取眾生生淨佛國土心。」

二、善導大師於《觀經四帖疏》卷第四云：「次就上品下生位中，……唯發一念厭苦，樂生諸佛境界，速滿菩薩大悲願行，還入生死，普度眾生，故名發菩提心也。」

三、蕩益大師於《彌陀要解》云：「具此深信，方能發於大願。文中「應當」二字，即指深信。深信發願，即無上菩提。合此信願，的為淨土指南；由此而執持名號，乃為正行。」

◎二、以深信願，持佛名號，為淨土正宗。

\* 蕩益大師於《彌陀要解》云：「得生與否，全由信願之有無；品位高下，全由持名之深淺。」又云：「信願為慧行，持名為行行。」

\* 《靈峰宗論》卷第二之一（示閔周埏）云：「信願如目，眾行如足。信願如牛，眾行如車。信願如棋之有眼，眾行如棋之有子。故信願行三，雖缺一不可，而尤以信願為主為導也。蓋信願既專，凡種種諸善，皆淨土資糧。縱萬不幸，誤作諸惡，誠心懺悔，斷相續心，亦足為往生妙行。苟無信願，則戒感人天，定感色無色界，慧剋二乘權果而已。」

\* 《靈峰宗論》卷第二之一（示法源）云：「念佛工夫，祇貴真實信心。第一、要信我是未成之佛，彌陀是已成之佛，其體無二。次、信娑婆的是苦，安養的可歸，熾然欣厭。次、信現前一舉一動，皆可迴向西方。若不迴向，雖上品善，亦不往生。若知迴向，雖誤作惡行，速斷相續心，起殷重懺悔，懺悔之力，亦

能往生；況持戒修福，種種勝業，豈不足莊嚴淨土？只為信力不深，勝業淪於有漏。又欲捨此別商，誤之誤矣；但加真信，一切行履，更不須改也。」

＊《印光大師文鈔菁華錄》·誠信願真切云：「念佛之法，重在信願。信願真切，雖未能

心中清淨，亦得往生。何以故？以志心念佛為能感，故致彌陀即能應耳。如江海中水，未能了無動相，但無狂風巨浪，則中天明月，即得了了影現矣。感應道交，如母子相憶。彼專重自力，不仗佛力者，由於不知此義故也。」

※持佛名號的功德：約光明無量而言

《佛說無量壽經》云：「是故無量壽佛，號無量光佛、無邊光佛、無礙光佛、無對光佛、炎王光佛、清淨光佛、歡喜光佛、智慧光佛、不斷光佛、難思光佛、無稱光佛、超日月光佛。」

見聞獲益（分三：一、滅惡益。二、生善益。三、離苦得樂益）

一、滅惡益

其有眾生，遇斯光者，三垢消滅。

二、生善益

身意柔軟，歡喜踊躍，善心生焉。

三、離苦得樂益

若在三塗極苦之處，見此光明，皆得休息，無復苦惱，壽終之後，皆蒙解脫。」